

ქანთელი

მართლის
სახალხო
ფრონტი

1990 წელი

აპრილი

№ 1.

ფასი 50 კპ.

თანამებამულენო, ძვირფასო გოგონებო!

საიდან დავიწყეთ?

იქიდან, რომ უჭირს საქართველოს?

ეს გაჭირვება ჩემსავით მოგეხსენებათ.

ჩვენ რომ დღეს საშინელ ომში არ ვიყოთ ჩაბმული და ოთხივე კუთხით არ გვიტყვიან, მაშინ რაღა „გვეტრანსტებოდა“?

ღიას, ომში ვართ, ახლა მთავარია, როგორც არასოდეს, მხარი მხარს მივცეთ, უფრო კიდევ ზურგი ზურგს, (სამწუხაროდ ზურგიდან გვეპარებიან).

მე მწამს და მჯერა, რომ ვთბის „სახალხო ფრონტი“ ამ გაჭირვების უამს უთუოდ იტყვის თავის სიტყვას ჩვენს დად, ჩვენს ქართულ ეროვნულ მოძრაობაში.

მე, რა თქმა უნდა, თქვენთან ვარ!

ძმობითა, ერთგულებით —

ჯანსუღ ჩარაპიანდ,

საქართველოს სახალხო ფრონტის

გამგებობის წევრი.

1989 წლის დეკემბერი



მომსწრეო ახი უღლისა,

გამტეხო ახი უღლისვე,

მუმონო შინაურ შუღლისა,

გახაფხულს რომ გრძნობ ქუხილზე,

ვერ გადაკულახოს უღირსმა,—

ისე დაუხვდი უღირსებს,

რომ მოჭევეს სისხლის დუდილსაც

თავისუფლების უხვი მსე.



უცნაური ბელი ხელა წილად ქართლის რეგიონული სახალხო ფრონტის გაზეთს, რომლის პირველ ნაწილს (ანუ ნისი) ნომერს... დღეს მიიღებს მკითხველი. მიზეზი აწყობილი გაზეთის დაგვიანებით გამოსვლისა ისაა, რის წინააღმდეგაც ვებრძვით: ბიუროკრატიზმი, ადმინისტრაციულ-მბრძანებლური სისტემა, უკიდურესად მოშლილი ეკონომიკა, ეროვნული მოძრაობისადმი ზოგჯერ იფუნქციონირის ქრონიკული. ნიში და განდგომა... ჩვენი მიზანია ხელი შევუწყობთ ეროვნული ძალების კონსოლიდაციას საქართველოს სრული დამოუკიდებლობისათვის ბრძოლის გზაზე, ხოლო, რაც შეეხება ოჯახების პოზიციას, იგი გაცხადებულია დიდი ილიას სიტყვაში, რომელიც გაზეთის დევიზად გამოვიყენეთ.

საქართველოს ხელახალი დაპყრობის ტაქტიკა

როგორც იქნა, მცირე ამოსუნთქვის საშუალება მოგვეცა. მართალია მთლად არ ჩამკრალა, მაგრამ მინც ოდნავ მიწავლდა სხვადასხვა ტრაგიული და დრამატული მოვლენებით გამოწვეული ვნებათა ღელვანი. თუ ღმერთმა ინება და დაგვიცალდა, დროა, გავანალიზოთ გასული წლის აპრილის შემდგომი ამბები და საქირო დასკვნები გამოვიტანოთ.

ამჟერად, მინდა, მკითხველის ყურადღება გავამახვილო ძირითადად ეთნიკურ კონფლიქტებზე, რადგან თუ ღრმად ვერ ჩავწვდით მათ გამოწვევებ მიზეზებს და შესაბამისი ზომები არ მივიღეთ, გაგვიძნელებდა იმ დიდი მიზნის მიღწევა, რომელსაც ასე ელოლიავენა თითოეული ჩვენთაგანი. მით უმეტეს, რომ „ცხელი წერტილებს“ რიცხვი დღითიდღე მატულობს და თანდათან იფართოვებს გეოგრაფიულ საზღვრებს. თუ იმასაც გავითვალისწინებთ, რომ საქართველოში არც ერთგული და არც სარწმუნოებრივი დევნა არასოდეს ყოფილა, აუცლებელია, პასუხი გავცეს კითხვას — რა ხდება ჩვენს თავს?

ერთაშორისმა შუღლმა თითქმის ყველა მოკავშირე რესპუბლიკა მოიცვა, და, როგორ პარადოქსულადაც არ უნდა უღერდეს, ერთადერთი რუსეთის ფედერაციაა, სადაც ეს საკითხი არ გამწვავებულა, მიუხედავად იმისა, რომ სწორედ რუსეთი განიცდოდა დაპყრობილი ხალხების ხარჯზე და მკვიდრი მოსახლეობა, სხვადასხვა სახის ავტონომიებით, ძალით შეიყვანა თავის შემადგენლობაში. ზემოთ თქმული გვაფიქრებინებს, რომ ერთაშორის კონფლიქტები ინსპირირებულია, და, ინსპირირებულია ისეთი ძალების მიერ, რომლებიც ყველანაირი ზეგავლენის გარეშე იმპერიის შენარჩუნებას. ამ ვარაუდის სიცოცხლისუნარიანობის დასადასტურებლად მცირე ისტორიულ ექსკურსს მივმართოთ.

1788 წლის 24 ივლისს აღმოსავლეთ საქართველოს და რუსეთის წარმომადგენლებმა ხელი მოაწერეს ხელშეკრულებას, რომელიც „გეორგიევსკის ტრაქტატად“ არის ცნობილი და რომლის 200 წლისთავი ამ შეიღიოვე წლის უკან დიდი ზარზე იმით აღინიშნა საქართველოში.

ხელშეკრულების საფუძველზე დამყარებული უფლებრივი დამოკიდებულება ხელშემკერედი მხარეებს მიანიჭდა, როგორც — „შტატველოსა და კავშირი“ (პირველად მაშინ შემოგვაპარეს „კავშირი“, რომლის სხვადასხვა ვარიანტებს დღემდე ვერ დავაღწივთ თავი). ამ „კავშირს“ თითქოს მნიშვნელოვნად უნდა გაუმჯობესებინა საქართველოს პოლიტიკური მდგომარეობა, მაგრამ სინამდვილეში პირიქით მოხდა. ხელშეკრულებას საქართველოსათვის ზიანის მეტი არაფერი მოუტანია. კარგად იცოდნენ რა რუსეთის „მადის“ ამბავი, მაშამდიანური სამყაროს სახანოები თუ საფაშოები ურთიერთ შუღლს შეეშენენ და გაერთიანების გზებს დაუწყეს ძებნა. სულ მალე საქართველო სამი მხრიდან მტრებით შემორტყმული აღმოჩნდა.

1787 წელს დაღესტნელთა შემოსევა რომ უკუეჭია, ერევანში შეფშ, რომლის ლაშქარში რუსეთის მხედრობაც ერას, განჯისაკენ გაილაშქრა, მაგრამ რუსის ჯარი ბრძოლის ველს განერიდა და ქართველები მარტო იყოტავა მტერს. „მოკავშირეთა“ ასეთი დამპირებას უცხო არ იყო ერევანე მეფისათვის, მაგრამ მან 1792 წელს ალა-შამალ-ხანის შემოსევის საშინაობა რომ იგრძნო, რუსეთის მთავრობას ურთხელ კიდევ სთხოვა მასველი ჯარების გამოგზავნა. ისევ უარი. აქ მინდა ივანე ჯავახიშვილს დავესესხო: „ისე გამოდიოდა, რომ ხელშეკრულებას მხოლოდ მაშინ ბქონდა ძალა, როდესაც ამას რუსეთი საქიროდ დანახავდა და არა მაშინ, როცა საქართველოს უჭირდა“.

რაც ალა-შამალ-ხანის შემოსევას მოჰყვა, ყველას კარგად მოეხსენება. რუსეთმა მიადწია თავის მიზანს. საქართველო იმდენად დაუძლურდა, რომ იმპერატორმა პავლემ სრულიად შეტყრამილიდ გამოხსცა მანიფესტი საქართველოს რუსეთთან შეერთების შეხატებ. თანაც მანიფესტს ისეთი სახე მისცა, თითქოს გიორგი მეფე თვითონ თხოვდა იმპერატორს, რომ საქართველო რუსეთისათვის სამუდამოდ შეეერთებინა. მსგავსი უტიფრობის მსხვერპლი შემდგომშიც არაერთხელ გამხდარა საქართველო და არა მარტო საქართველო.

რუსეთის იმპერიალისტური მისწრაფებანი ჯერ კიდევ იმ დროსაც ცნობილი, როდესაც მამაკაცს, ქალაქს, სამთავროს ვლადიმირი დაარქვეს. მსოფლიოს დაპყრობა, მოგვითხანათ, ილია საქმე არ გახლავთ და, თუ ეს საერთოდ შესაძლებელია, თანდათან

სობით უნდა განხორციელდეს. სხვადასხვა სამთავროების „ჩაყლაპვის“ შემდეგ, რუსეთს მოზრდილი და გემრიელი ლუკმა ჩაუვარდა პირში და ჩათვალა, რომ დამშვენდებოდა ამ ტრაპეზის უკვდავყოფა. „ვლადიმრპაპსნი“ ბუნებრივად აუღერდა რუსულ ენაზე. მალე ჭამაში მოიღისო და აღარც „ვლადიმრსტომპს“ დააყოფა.

შეიქმნა რუსეთის უზარმაზარი იმპერია, რომელსაც სრული პარმონიისათვის შესაფერისი ფილოსოფიურ-იდეოლოგიური საყრდენიც გამოუძებნეს — ჩამორჩენილ ხალხებში კულტურისა და განათლების შეტანა. მიდი და ნუ დაფასებთ რუსეთის ხელგამოწილობას: ეს-ესაა, რის ვაი-ვაგლახით, რადაც კულტურა და განათლება შეიძინა და მაშინვე სხვა ერებს უწილდა.

ამით დასრულდა იმპერიალისტების პირველი გაკვეთილი. რასაკვირველია, „სუფთა წერის“ გაკვეთილი არ გახლდათ, — ნამეტანი ბინძური ხელებით იყო ნათიხნი, ასეა თუ ისე, მოკლედ გავიმეოროთ:

„სამოკავშირეო“ ხელშეკრულება;
საქართველოს ჩათრევა მისთვის საზიანო კონფლიქტებში;
სრული დაუძლურება და დაჩაივება;
დაპყრობა, „კეთილშობილური“ მიზნით — კულტურისა და განათლების შესატანად.
დავისსომოთ ეს გაკვეთილი და ჩვენი საუკუნის პირველ მეოთხედში ვადმოვინაცვლოთ.

საქართველო დამოუკიდებელი რესპუბლიკაა. 1918 წელს ერთმანეთის მიუღობით იფეთქა ოსთა და აფხაზთა „აჯანყებამ“. 1919 წელს მესხეთში მცხოვრებმა თურქებმა თხოვნით მიმართეს თურქეთის მთავრობას, რათა შეეერთებინათ ხალხისა და ახალქალაქის მახრები. 1920 წელს კვლავ „აჯანყდნენ“ ოსები, მათ შექმნეს „რევკომი“, რომელმაც გააღწევა ტა შეერთებოდა რსუსს.

1920 წელს საბჭოთა რუსეთსა და დემოკრატიულ საქართველოს შორის დაიდო ხელშეკრულება.

1921 წლის 23 თებერვალს წითელმა არმიამ დაიპყრო საქართველო, რასაკვირველია, ისევ „კეთილშობილური“ მიზნით. ამით მთავრდება მეორე გაკვეთილი, რომელიც თითქმის მთლიანად იმეორებს პირველს:

„სამოკავშირეო“ ხელშეკრულება;
ერთაშორისი კონფლიქტები;
დაპყრობა.

მხოლოდ, ამჟერად, ახალი იმპერიის ფილოსოფიურ-იდეოლოგიური საყრდენი სხვაა: კაცობრიობის „ნათელი მომავლისათვის“ — კომუნისმისათვის ბრძოლა. კომუნისმი კი ისეთი ნატურისთვლია, შეიძლება „ვლადიმირიც“ კი რეალური განადოს და დაიძარა რუსეთის იმპერია „კაციობრიობის საოცნებო მომავლისაკენ“. ვლადიმირის სარდლობით — „ვლადიმირისაკენ“. გზადაგზა საფუძველი ჩაეყარა „ვლადიმერობას“, „ვლადი აზიას“, „ვლადი-ფრიკას“ და „ვლადიამერიკას“. „ვლადივსტრალიისათვის“ ძალი აღარ ეყო და... მუხრუჭების ხრჭილის ხმა მოტლ მსოფლიოს მისწვდა.

განვლილი მასალა რომ კარგად გვხსომებოდა, აღვიღად მივხედვოდით, რომ ნაცნობი გაკვეთილის ჩასატარებლად გვაშნადებენ:

ერთაშორისი კონფლიქტები — სახეგა;
ახალი „სამოკავშირეო“ ხელშეკრულება — შნადდება;
ფილოსოფიურ-იდეოლოგიური საყრდენი — „ევროპის საერთო სახლი“ — მოფიქრებულია.

ასე, რომ უნდა ველოდოთ საქართველოს მესამედ დაპყრობას, ისევ ჩვენდა „სასიკეთოდ და სახედნიეროდ“.

როგორც ვხედავთ, წერილის დასაწყისში გამოთქმული ვარაუდი დასტურდება: ყველა კონფლიქტი, რომელსაც ადგილი ბქონდა გასულ წელს, ინსპირირებულია იმპერიის მიერ და ვამინულია საქართველოს ხელახალი დაპყრობის შესამზადებლად ფრთხილად, საქართველოვ!



სრულიად საქართველოს კათალიკოს-პატრიარქი, უწმინდესი და უნეტარესი ილია II აკურთხებს გორიჭვრის ეკლესიას.

მიმართვა

ცხინვალში გავრცელდა ხმა, თითქოს საქართველოს ერთგული მოძრაობა მიზნად ისახავდეს საქართველოდან ოსების განდევნას იმ თავხედური მოთხოვნების გამო დასჯის მიზნით, რომლებიც წამოაყენა დეპუტატთა საბჭომ ქ. ცხინვალში ამ ცოტა ხნის წინ. ამ ხმის გამავრცელებლები არიან პროვოკატორები და ძმათა შორის შუღლის მთესველები.

არ უსმინეთ მათ!
თვალის ჩინივით გაუფრთხილდით თქვენი და ჩვენი ხალხის ძმობას! იცოდეთ, რომ ოსი მოსახლეობის ბედი მომავალ საქართველოში დამოკიდებული იქნება იმაზე, როგორ გაგვიწევთ ძმობას და თანადგომას დღეს!
აუხსენით თქვენს შვილებსა და შვილიშვილებს, რომ საქართველოს მიწაზე ცხოვრობთ და ამიტომ ვა-

ცხინვალისა და ჯავის ოსებისადმი

ლდებულნი ხართ, საქართველოს პატივი სცეთ! აუხსენით თქვენს შვილებსა და შვილიშვილებს, რომ საქართველოში ოსი არასოდეს არავის შეუვიწროებია და არც მომავალში შეავიწროებს.

აუხსენით მათ, რომ ჩვენც და თქვენც ძმობა ისე გვჭირდება, როგორც ჰაერი.

ჩვენც გვჭირდება, რომ ოსები გვერდით დაგვიდგეთ ჩვენს ერთგულ ბრძოლაში.

თქვენც ჩვენთან ერთად უნდა იბრძოლოთ საქართველოს დამოუკიდებლობისათვის, რადგან მომავალ თავისუფალ საქართველოში ყველა ხალხის შვილები უკეთესად იცხოვრებენ, ვიდრე დღეს ცხოვრობენ.

ძმებო და დებო, თქვენი ძმები გვაძვეს. არ გვიღალატო!

საქართველოს ერთგული მოძრაობა.

ო რ მ ე ნ ი ა რ მ ი ვ ი დ ა ნ ი

ჩერნობილი ბრძელდება... გორში

შარშან ქვევში ყოფნისას ერთი მეგობარი მწერლის ბინაზე მიგვიპატუეს, შალე გაუშინაურდით იქაურობას. სამხარეთლოში ოსკანი მოვუშვი და წყალი დავლიე. მასპინძელმა ეს დაინახა და მითხრა, რომ გაუფიქტრავ წყალს არ ვსვამთო და მაჩვენა ჩასართავი მოწყობილობა - პროფილაქტიკური საშუალება რადიაციული ნივთიერებებისაგან თავდასაცავად.

თითქმის სამი წელი გავიდა მას შემდეგ, რაც ჩერნობილის ტრაგედიაშ შესძრა ქვეყანა. დროს თავისი მიაქვს, ტკივილი გავიწყდება ან ახალი ტკივილით იცვლება. ჩერნობილის ექო კი ისევ გაისმა... გორში. როგორ? — გაიკვირდეს მკითხველი.

გორის სორცკომბინატში უკრიანაში დახსივებული ხუთასამდე ტონა ხორცი ინახება. იგი თავის დროზე უკან გააბრუნა რუსეთის და საქართველოს რამდენიმე კომბინატმა, ჩვენ კი მივიღეთ. ხალი ხორცის შენახვის

დროც კი ამოიწურა, არამც თუ დასხივებულისა. თავებებს ყველა ხვრელს ვერ ამოუქოლავ. აშკარად ჩნდება ეპიდემიის საშიშროება.

მანსოვს, როდესაც რედაქციაში ვმუშაობდი (მაშინ ახალგაზრდა ჟურნალისტი გახლდით) ვატარებდით რეიდებს სანეპიდსადგურის, სახალხო კონტროლის წარმომადგენლებთან ერთად. ვნახავდით ერთ კილოგრამ გაფუჭებულ ხორცს და განგავს ვტიხდით.

ახლა კი რა?... დავსხდებით აქტივის კრებაზე თუ სესიაზე. გავიყოფით ორად — ზემოთ უფროსობა, ქვემოთ — ქვეშევრდომობა, ვილაპარაკებთ ყველაფერზე და... არაფერზე.

მე არ ვიცი, რაღაცამ რომ იფეთქოს, რომელი ინსტანციებიდან დაიწყება მონხნები, მაგრამ ეს დონისძიება რაღას გვიშველებ.

როგორც მივალბენებთ ხორცკომბინატის ხელმძღვანელობას უფარვისი პროდუქცია, ისე მივებმართო მის მო-

შორებაში. მე მითხრეს, რომ მისი დახმარები სარკოვავი უნდა აშენდეს. ჩანს ხაქმე მართლაც სერიოზულად არის, რაკი ასეთ დამარზვას უპირებენ იმ ხორცს.

ჭერჭერობით კი არ ვიცი, რას ახსივებს. იქნებ სიკეთეს?... რაღაცა არა მგონია. საქარობის, სიმართლის თქმის და გულახდილობის ამ პერიოდში ვაცნობით პრესის საშუალებით მოსახლეობას რა დონის რადიაციას იღებს ქალაქი შინლისის ვხატეცილიდან. ეკოლოგიური პრობლემები მარტო ლაპარაკით არ გადაწყდება. ამას მე ვარძნობ, როგორც მწერალი და დეპუტატი კი არა, როგორც მოქალაქე გორისა, სასუფრო ხობა-დიდებს რომ არ ვაკლებთ ამ ბოლო დროს.

ჯავაღ იწვია.
მინაწირი: ეს წერბილი ერთი წლის წინ გადაეცა გაზეთ „ამარჯვების“ რედაქციას, რომელმაც საჭიროდ არ ჩათვალა მისი გამოქვეყნება.

მ
ა
ს
ბ
ი



წავიდა და წამებულის გაირგინით შეიძინა სახელოვანი თავი ჭიკვირისა და ქრისტეს სახელით.

ილია.

გუშინ ჩვენი იმედი და სიხარული, დღეს დიდ ტკივილად ქცეულხარ! ძალიან გაგვიჭირდა, გაგვიძნელდა უშენობა, როგორ გვაკლიხარ, როგორ გვენატრებო... უძღურია სიტყვა ამ განცდის გაღმოსაცენად.

წარმოუდგენლად ძნელია იმ აზრთან შეგუება, რომ ველარ გნახავთ, ველარ მოვისმენთ შენი ასაკისთვის შეუფერებელი სიბრძნითა და გონიერებით გამოჩნეულ, საოცარი იუმორით შეზავებულ საუბარს, როგორ გვაკლია შენი სიბო, შენი ყურადღება, როგორ გვიჭირდება შენი რწმენა, ოპტიმიზმი, რაღაც შეუცნობელი, მაგიური ძალით რომ გადმოგვდებდი ყველას.

როგორ აკლიხარ შენს მშობლიურ თეატრს! ლეგენდად დარჩება შენი პირველი და უკანასკნელი როლი — ლეშაში (პ. ტოდოროვის „გველეშაპის ქორწინება“) ყველას ცნობიერებაში, ვინც კი გნახა ამ სექტაკლში, სადაც შენი სულიერი სიმდიდრე გამოვლდა გამორის სახის გამოქვეყნებით: შეადამიანური განცდები, ბუნების საოცარი აღქმის უნარი, პოეტურობა, უსასღვრო სიყვარული, ფაქიზი სული, ერთგულეობა, — შენი გამორისთვის დამახასიათებელი ყველა ეს თვისება, შენს პირად თვისებებს ემთხვეოდა. აღბათ ამიტომ იყო შენი თამაში ასე უშუალო, დამაჭრებელი, განუმეორებელი.

შენი სახით თეატრმა დაკარგა ჭეშმარიტად ნიჭიერი მსახიობი. რამდენი შემოქმედებითი სიხარული გელოდა წინ, რამდენი სცენიური სახე უნდა გავციოცხლებინა... ტყუილი არ შეგარლო და გულწრფელად განაცხადე: „თეატრს თავს ვანებებ, უფრო მნიშვნელოვანი საქმეა საკეთებელი“. ვერ შე-

გელოენ, უფასო შევბუღებაში გავიშვეს. ახლაც შევბუღებაში ზგონიხარ სიმწრით დამუშავებულ, მგლოვიარე მსახიობებს, წვერმოშვებულ, ნირწამდარ ბიჭებს, ძაძით მოსილ ქალებს. შესეკქერაინ თეატრის კარს, რომელსაც ვაპირაღის შემდეგ მუდამ დალოდილ-დაქანცული, უძილო, მშიერ-მწყურვალ, ფრღაკარგულთ, მაგრამ კეთილდამილოანი სახით შემოადებდი ხოლმე და თან მოგქონდა სიცოცხლის ხურნელი, რწმენა, იმედი!

თურმე როგორ გვეყვარებხარ! ნეტა სიცოცხლეში თუ ვახერხებდით ამის გაშობახტვას; თუმცა შენს ფაქიზ, პოეტურ ბუნებას მტრისა და მოკეთის გარჩევა არ შეეუღლებოდა. იმას კი ვერ იფიქრებდი; ნამდვილად ვერ წარმოიდგინდი, შენი დაკარგვა ასე თავსარდამცემი თუ იქნებოდა ვანურჩველად ყველასათვის. — მთელი საქართველოსათვის! გულწრფელად დაგატრია ხალხმა, დაუყვედრებელი, ალალი ცრემლი გაგაყვოდა თან, ტირილა ყველა — დიდი და პატარა, ქალი და კაცი, გგლოვობდა ცხოვრებისაგან ტანჯულ, უიღბლო, ობოლ ბიჭს, საქართველოს სიყვარულში რომ ჩაიფურთღო!

ცხოვრებამ მწარე გამოცდა მოგიწყო! ჭერ კიდევ ბავშვობაში თავსდაკრ ხოლმა უბედურებამ შეგაცნობინა ცხოვრების სისასტიკე — დღის ტრაგიკულ აღსასრულს თვითონ შეგეწვარი და მთელი სიცოცხლე ამ მოუშუშებულ იარას მალავდი. უღებდამოდ გაზრდილი, სცენაზეც არ დაჯალდა ვინმესთვის სავება „ღედა“, არა და, რაკარგი შვილი იყავი, დედისერთ და ძმისა და ცოლ-შვილის სიბო არ განგიცდია, ისე წახვედი ამ ცხოვრებიდან სცენაზეც ეული გამირი თამაშზე, შენსავით მსოფლივ ამაღლებული გრძნობები, რწმენა, სიკეთე, მაღალი იდეა-

ლები და იმ „საუფლოს“ სიყვარული რომ გააჩნდა, რომელიც მას ეკუთვნოდა.

თითქოს გულმა უგარძნოთ, შენს გარდაცვალებამდე რამდენიმე დღით ადრე „ველეშაპის ქორწინების“ მხატვარმა პ. სტოიკოვამ დარეკა ბულგარეთიდან: „ცუდ სიზმრებს ვხედავ, შმაგი როგორ არისო?!“ მასრებსში სანთლებანთებულ ქართულ ჩოხაში გამო. წყობილი დაუხატხარ! გარდაცვალების დღეს კი შენმა რეჟისორმა პ. კარაპეტკოვმა დარეკა ვინიდან. ეს უბედურება რომ შეიტყო, სასწრაფოდ დაგვემშვიდობა. რამდენიმე წუთის შემდეგ ისევე ვანმეორდა ზარი. მთელი ხმით მოსტკვამდა: „რა მითხარით? ვინ მოკლეს?! შმაგი?! გველეშაპი მომიკლეს?!“ ისინიც ვტირიან! მათაც დაგინთეს სანთლები!

ყველას უყვარდი, შმაგი! უკანასკნელი დამე თეატრის კედლებში გაათიე, დაბადების დღეც იქ „აღვინიშნით“ მოტკმა-ტირითი. სცენიდან კიდევ ერთხელ მოგეცა საშუალება შენი დუმილით გეთქვა იმაზე მეტი, ვიდრე სიცოცხლეში ახერხებდი. ტაშით გაავციოლეს... (შენ ხომ მხახიობიც იყავი.) თეთრი ცხენი მხოტვლოდა არნახულ პაროცხიას, რომელმაც ის გზა გავატარა, რომელზეც მამაისს — საქართველოს ყველაზე ბედნიერ დღეს, ზღვა ხალხი გაიყოლიე; ოღონდ ეს მსგავსობა აღარ იყო სიხარულით გაციოსკროვებული, იმედინი კი იყო — ეს ტკივილიანი გზა (მსგავსობა) ქართველი ერის უყვდაცობაზე მეტველეშაპ, მეტერს ახსენებდა, რომ არ უფირია დამარცხება ერს, რომელსაც შენსარი შეიღებე გაუზრდია! კუბოს ვარს შემოერტყნენ მტაცეც კელვად ნელბინდმაქვილებული ვაჟაკები, თვალცრემლიანი. მწუხარე ბიჭები. თუ ეს კიდელი არ დაირღვრა, თუ სულ ასე ნელბინდმაქვილებული, კვლით, მამინ შენი სასუყვარი ოცნება ახდება, ჭვარცხული საქართველო გაიმარჯვებს, შმაგი!

„ერი თავისი გამირეცხ ცხოვრებითა და მაგალითებით უნო მსოფლდამურობლს, თუ მართლა ე... მსხრბს. სახელთვან გამირთა მაგალითებით... ისტორიასწუტანის ერსა, ზრისას, დადიდებულონ საქმენი კიდევ გულის უკეთებენ მომღებდისათვის... ამ... ამსწნეგბენ“. შენ და ჩვენ... მის ილია მართლის ეს სიტყვები დღეს უფრო მეტი სიმძაფრით აფლერდა. შენი ხანმოკლე, აზრინი ცხოვრება რაინდობის ჭეშმარიტ მაგალითად გვევა ჩვენთვის. ჩვენც შენს მიერ არჩიული ეკლიანი გზით ვივლით!...

შენ კი იძინე მშვიდად ჩვენო საოცარო, სამაჟო, ვალმოსდილო მამულიშვილო, „გორისციხის რაინდო“, ღამაზო. ჭკვიანო, უდალბო მეგობარო, კეთილო გველეშაპო გორინი, შმაგი, მორის ხამნიაშვილო!

მაგული ბარდაშხაძე.

საქართველო

სსკპ ცენტრალური კომიტეტის კოლიტბიუროს წევრობის კანდიდატს, საქართველოს კპ ცენტრალური კომიტეტის პირველ მდივანს

ამხ. ე. ა. შავარდნაძეს
საქართველოს სსრ უმაღლესი საბჭოს პრეზიდიუმის თავმჯდომარეს

ამხ. პ. გ. გილაშვილს
საქართველოს სსრ მინისტრთა საბჭოს თავმჯდომარეს

ამხ. დ. ლ. ქართველიშვილს

ის წელი გველის წელიწადი იყო, ჩემო შმაგი, შენც შენი პირველი და უკანასკნელი როლი ითამაშე მშობლიურ თეატრში — გველემების როლი. შენი გველემები შეყვარებულია და, როდესაც მისი მოველა განიზრახეს, წინ მშვენიერი ასული გადაეფარა. იმ დამეს კი აღარაფერ აღმოჩნდა შენს გვერდით... მაშინ ვერაფერ გადაგეფარა... არადა რამდენი ქალ-ვაჟი წაგვეგვარა შარშან გველემებში... შენ ყველაფერ იყავი, სადაც შენს საქართველოს უჭირდა: აფხაზეთში თუ მარნეულში. ოსებისა უფრო გეიმედებოდა. იმასხი — სისულელეა და ჭორებს ნუ აყვავებთ, ოღონდ ფეხ-ზღაღ ვიყავი. და, მაშინ, როდესაც ბოლო დამეს ათეველი შენს საყვარელ ქალაქში, შენთან მოვიდა ერთი ოსი ბიჭი, ქუდი მოიხადა, ცრემლი მოიწმინდა, მერე შემოგვიტრიალდა და გვითხრა: „რა გქნა, ოსი ვარ და, რაც გინდათ, ის მიყავით.“

უცნაური კაცი იყავი და უცნაურად, დასრულდა შენი მშფოთვარე ცხოვრება. რამდენიმე დღით ადრე ჩვენთან შემოიბრინე, ყველანი მოგვიკითხე, ვაგვამხნევე, როგორც ყოველთვის, სადაც გეჩქარებოდა. მერე მტკივანი ხელიდან თამაშობის სახეები შეიხსენი, კარადაზე შემოდე და სიბნელეში გაუჩინარდი... იმ საბედისწერო დამეს გვიანობამდე გელოდეთ შტაბში, რა ვიცოდით თუ იესოსთან ვახშამდ იყავი მიწვეული მისი დაბადების 1999-ე წელს...

შენი დაკრძალვის დღეს კი შენი დაბადების დღე იყო და იმ ციფრის შესრულები, შენს საქართველოს ერთ დროს კვლავაც საოცნებო თავისუფლება რომ მოუტანა — 26-ისა.

...სამგლოვიარო მიტინგი თეატრში დაიწყო. შენ სტენაზე იყავი დასვენებული და შენს მაყურებელს ეთხოვებოდი. ტრაგიკულად დასრულდა შენი ბოლო და ყველაზე დიდი როლი. მერე ავიყვანეს და წავიდეს მარადისობაში... გვერდით თეთრი ცხენი მოგყვებოდა, აღვიმომშვებული და შავად შორთული. ვიღაცა შავებში გახეველი ქალიშვილი თავს ახლავდა მორბეულულ ზეცას. ბიჭები საფანტით ხერხერდნენ ღრუბლებს. ჰაერში წამლის სუნი იდგა, ზოლოდ შენს ცხედართან — თეთრი ცხენი — შენსავით შმაგი და შე უცებ მეგობანი, რომ წმინდა გიორგი იყავი, ცხენიდან ვადმოვარდნილი და ბოლომდე ვერ დიჯერე გველემების სიბნელურ... მაგრამ წელს ცხენის წელიწადია, ჩემო შმაგი. იმ თეთრი ცხენს შავს მოაცილიან ჩვენი ბიჭები და შენი ოცნებისაკენ გააქროლებენ, ოცნებისაკენ, რომელსაც თავისუფალი და დემოკრატიული საქართველო ქვია...

ახლა შუალამა ჩვენს მშობლიურ ქალაქში. დაახლოებით ის დრო, როდესაც მარადისობაში ვადაიოდი. თვის და შიგადაშტე წვიმასაც ურევს. ქალაქი საესეა ლანდებით და გუბეებით ქუჩებში აღიარება. ლანდი დარბაისელი ჩორებისა, „რომლის საგანი ერთადერთი იყო — საქართველო და მისი სიყვარული... თითქმის შემოატარებდა ჩვენს დაგლეჯილ მიწა-წყალს და მართოლგარდ იტყოდა... მეცოდება ჩემი სამშობლო — საქართველო ნაქარალი. ნაქარალი, გაგლეჯილ-გამოგლეჯილი, დაქრილი არწივი, გვეფხვი უსულოდ დანარცებული! — ეპ როდის აიკუმება წიბონი გველემებისა?..

ღმერთო, შენი მაქვს იმედი! შენზე აყენე ჩვენი მამული, ჩვენი შემფარებელი ისტორია! მოგვიკივანახსნების ძალთა ღონიერება! ღმერთო, შენ დაამხე ჩვენი მტერი ქართველთა-პია! — აღსდგე საქართველოვ!

— აღსდგე, საქართველოვ! — აღსდგე, საქართველოვ!
...როდესაც ოთახში შევიდვარ და თვალს ვავლებ შენს დანატოვარ თამაშობის სახეებს, უნებურად ვავიფიქრებ ხოლმე — ნეტავი სულის გამრთილებაც შეძლებოდა ამ დალოცვილ თამაშობის, ჩემო შმაგი, ნეტავი!

ყველამ კარგად ვიცით, რომ თქვენ განუზომლად დაკავებული ბრძანდებით ეკონომიკისა და კულტურის, ჩვენი ახალგაზრდობის აღზრდის თანადროული საკითხების მრავალი პრობლემის შესწავლა-გადაჭრით და ასეთ ვითარებაში ერთობ ძნელია თქვენი შეწყობა. მაგრამ ქვემოთ წარმოდგენილი ჩვენი წინადადებების განხორციელება თქვენი დახმარების გარეშე შეუძლებლად მიგვაჩნია, ამიტომ მოკრძალებით გთხოვთ გაეცნოთ ჩვენს მოსახრებებს.

კარგადაა ცნობილი, რომ ქ. გორის პედაგოგიურ ინსტიტუტს სოფლის სკოლებისათვის მასწავლებელთა მომზადების საქმეში პედაგოგ-მეცნიერთა რამდენიმე თაობის შრომით მოპოვებული მილიარე გამოცდილება გააჩნია, რამაც გაუძღო ოროსი გამოცდილს. და ეს არც არის შემთხვევითი, სოფლის მასწავლებელთა მომზადების პირველი ნაბიჯები აქ, ამ ძველთაძველ ქალაქში, ჯერ კიდევ გასული საუკუნის სამოცდაათიან წლებში გადაიდგა. ამასთან, უადგილო არ იქნება, როდესაც გავიხსენოთ გორში ამიერკავკასიის სამასწავლებლო სემინარიის დაარსების ერთ-ერთი ძირითადი მოტივი: „ამ დაწესებულებამ უნდა მოამზადოს სოფლის მასწავლებლები, მოუხერხებელი იქნება მისი გახსნა დიდ ქალაქში, რადგან სასურველია, ახალგაზრდები დარჩნენ ისეთ გარემოში, რომელიც უზრალთ იქნება და მათთვის მკვეთრ განსხვავებას არ შექმნის სოფლის პირობებში საცხოვრებლად გადასვლის დროს“ (არქივიდან). და მართლაც, ჯერ კიდევ ერთ საუკუნეზე მეტი ხნის წინათ (1876 წ.) გორში გახსნილმა სამასწავლებლო სემინარიამ დიდი წვლილი შეიტანა ამიერკავკასიის სოფლის მასწავლებელთა მომზადებაში (მის კვლევებში აღიზრდნენ ისეთი ცნობილი მოღვაწეები, როგორებიც იყვნენ ვაჟა-ფშაველა, დიმიტრი გულია, ნარიმან ნარიმანოვი, მუსიკოსი შაჰბეგოვი და მრავალი სხვა). არანაკლები როლი შეასრულა სამასწავლებლო სემინარიის ბაზაზე (1922 წ.) აღმოცენებულმა პედაგოგიურმა სამსწავლებელმა, რომელმაც თავისი არსებობის მანძილზე დაწყებითი სკოლებს გამოუხარდა ათათობით მასწავლებელი. საბოლოოდ კი გორის პედაგოგიურმა ინსტიტუტმა იკისრა დაწყებითი კლასების მასწავლებელთა მომზადებაც, რასაც წარმატებით ემსახურება.

თავისი არსებობის თითქმის ხუთი ათეული წლის მანძილზე ინსტიტუტმა ქართლის, მესხეთის, ჯავახეთის და მთათუშეთის მაღალმთიან რაიონების სახალხო განათლების სისტემისათვის მოამზადა 13 ათასზე მეტი კვალიფიციური მასწავლებელი, ამჟამად ამ რეგიონის ზოგადსაგანმანათლებლო სკოლებში მომუშავე მასწავლებელთა უმრავლესობა გორის პედინსტიტუტის კურსდამთავრებულია.

სასწავლო მატერიალური ბაზის განმტკიცებასა და სასწავლო-აღმზრდელობითი მუშაობის შინაარსის ამაღლებაში წლების მანძილზე მუშაობით დიდი წვლილი შეიტანეს და ინსტიტუტს ავტორიტეტი მოუპოვეს თვალსაჩინო მეცნიერებმა გიორგი აბეღელიანმა, არნოლდ ჩიქობავამ, ვიქტორ კუპრაძემ, არჩილ ცაგარელმა, სერგი ჟღენტმა, გიორგი ჭოლოშვილმა, ვარლამ თოფურიაშვილმა, ალექსანდრე ბარამიძემ, ალექსანდრე ჯავახიშვილმა, ელენე მერტრეველმა, ბესარიონ ჟღენტმა, ელენე ვირსალაძემ და სხვებმა. თავისი არსებობის მანძილზე ინსტიტუტმა აგრეთვე თავისი საკუთარი მაღალკვალიფიციური კადრი მოამზადა (110 პრაფესორ-მასწავლებელი, მათ შორის 9 პროფესორი და 55 დოცენტი, მეცნიერების კანდიდატი), კათედრებმა და პროფესორ-

(დასასრული მე-8 გვერდზე)

ქართული მკვლევარების სახელმწიფო მოღვაწეობა

24 იანვარს შესრულდა გამოჩენილი ქართველი სახელმწიფო მოღვაწე, დავით აღმაშენებლის გარდაცვალების 865 წელი. დავითი თანამედროვე ქართველთათვის მისაზარა მაკალითს წარმოადგენს, რადგან მთელი მისი საქმიანობა სამშობლოსათვის თავდადებული მასზე გადაგებული კაცის მოღვაწეობა და ჩვენთვის ნოყიერ საზრდოს იძლევა ქვეყნის სასწავლებლად.

საქართველოს სამეფოს საქვთან მისული ახალგაზრდა დავითის წინაშე დახლოებული იგივე პრობლემები (დამპყრობთაგან საქართველოს ეკონომიკური და პოლიტიკური გათავისუფლება, ქვეყნის ზოგიერთ მხარეში მტრისაგან განდევნილი ქართული მოახლეობის დაბრუნება და დამკვიდრება, ხალხის ზნეობრივი გასაქცევა, საკუთარი ლაშქრის შექმნა და სხვა) იდგა, რაც დღევანდელ საქართველოს უდგას.

ამ საოცრად ძნელ პრობლემებთან ჭიდილს დავით აღმაშენებელმა ბრწყინვალედ გაართვა თავი. მაგრამ რამდენი სიძნელის გადალახვა დასჭირდა ამისათვის! დაიმორჩილა და გვერდში ამოიყენა სხვადასხვა გარემოებათა გამო განზე გამდგარი ეკლესია, გულდილობისა და ზეაობის ეკონომიკური საფუძველი მოუხსრა ზოგ ქვეგამხედვარე ფეოდალს, მოაწესრიგა სამართლის საქმე, მიიმხრო ვაჭარ-ხელოსნები. ერთი სიტყვით მთელი ქართველი ხალხი ქვეყნის განთავისუფლებისათვის ბრძოლაში ჩაება. და მისმა პირადმა თავგანწირვამ, აგრეთვე ერის ერთგულებამ გვიხრებოდა შედეგი გამოიღო. მიზანი შესრულდა — ქვეყანა გაერთიანდა და გათავისუფლდა. სიკვდილის წინ დაწერილ ანდერძში დავითი „ნიკოფსიიდან დარუბანდამდე და ოსეთიდან არაგვიწამდე და სპერამდე“ გადაჰქონდა მიწების პატრონად აცხადებს თავს. არადა სიიდან დაიწყო! მეფე რომ შეიქმნა, თურქების შიშით ქართლის ჭალებში, კერძოდ ნაჭარმაგვესიც კი ვერ ნადირობდა. არც იყო ვასაკერი. იმდროინდელი საქართველოს სამეფო საზღვარი ხომ ღიხის მთამდეა მიდიოდა. აღმო-

სავლეთ საქართველოს მიწები სულ მტრის მიეტაცებია. დავითი თავის გოლგოთას 18 წლის ასაკში შეუღდა. საქმარისია მის მიერ განხორციელებულ ღონისძიებებს, გადავადლოთ თვალი, რომ ცხადი გახომართი გემგაზომიერება და ურთიერთთან მკიდრო ქვეყანა. იგი მისი ლაშქარს, უკიდის მტრის თავის მიწა-მამულებში აბრუნებს მტრისაგან აყრილ ქართულ მოსახლეობას, ავიწროებს ორგულ დიდებულებს. 1099 წელს ხარკის ძლევა შეუწყვიტა თურქებს, შემდეგ ეკლესიის საქმეები მოაწესრიგა. ერთი სიტყვით ყოველივე ამით ქვეყანა დიდი



ომებისათვის მოამზადა. 1103 წელს კი ასყარა ბრძოლაზე გადავიდა. აიღო ზედაზენი (1103 წ.), შეიერთა პერთკახეთი (1104 წ.), 1110 წ. აიღო სამშვილდე, 1115 წელს — რუსთავი, 1118 წელს — გიში და ლორი. შემდეგ ვინ ჩამოთვლის მის საქმეებს. 1121 წ. დიდგორის ველზე მუსლიმანთა გაერთიანებული ლაშქარი დაამარცხა და თბილისიც აიღო (1122 წ.). მორჩა, ახლა ქართველი ხალხის ოცნება — არაბობის დროიდან დამპყრო-

ბოა ხელში მყოფი ქალაქი მშობლიურ საქართველოს დაუბრუნდა.

ქვეყანა გაერთიანდა, მტრისაგან განდევნიდა. დავით აღმაშენებელს უკიდული გული დამშვიდებია. მიზანი ხომ მიღწეული იყო, მაგრამ არ დამშვიდდა, რადგან ახლა მტრის მთელი ამიერკავკასიიდან განდევნას აპირებდა იგი ლაშქრობის დარუბანდში, იერთებს შირვანს და სომხეთს. თურქ-სელჩუკთა სულთანს საკუთარ რეზიდენციაშიც კი შიშის ზარს მკვრის. ქვეყნად აღარავინ არის მისი მძლეველი. და აი, ძლევა მოსილებს მწვერვალზე მყოფი გარდაიცვალა. მისი ისტორიკოსი სინანულით წერს, რომ სიკვდილმა აღარ აცალა სხვა საქმეების გაკეთება. გარდაიცვალა არც თუ ისე ხნეირი — 58 წლის. მაგრამ საკვირველი ის კი არ არის, რომ ნაღარვად წავიდა ამ ქვეყნიდან, არამედ ის, როგორ იცოცხლა აქამდე.

36 წელი სულ ომებში გაატარა. ვინ იცის რამდენჯერ გადარჩა სიკვდილს. ერთხელ, მუხნარის მხარეში (დღევანდელი მუხრანი) ნადირობისას ცხენი წაექცა და ისე დაიმტვრა, აღარავინ ეგონა, რომ გადარჩებოდა. ბოლოს შედეგებული სისხლი ამოანთხია და სულიც ამოიღო. მეორედ, რომელიდაც ციხის იღებისას, პერანგის ამარას, ციხიდან ისარი სტუორცნეს და შემთხვევით მთავარჩველონის ხატს მოახვედრეს, თორემ განგმირავდნენ. რამდენჯერ ევიჩალების მიერ მიგზავნილ მკვლელებს გადაურჩა. მაგრამ სიკვდილის მტრმა ვერავინ დაამარცხა. მხოლოდ და მხოლოდ მან დარია ხელი. და ასე, დამაშვრალი, აღმათ, მრავალჯერ დაჭრილი კაცი თავის წინაპრების ჭზას გაუდგა.

მისი გარდაცვალებით დასრულდა საქართველოს ისტორიის მნიშვნელოვანა ხანა. ეს იყო უამრავი გაციკროვებულ დავითის ნიჭით. ეს ეპოქა ბალავრად დედო კიდევ უფრო ძლიერ საქართველოს, რომელსაც მისი უშუალო შთამომავლები ვაჟი დემეტრე I, შვილიშვილი გიორგი III და შვილიშვილის შვილი დიდი თამარი უძღოდნენ.

ჯამალ სტამბაძე, ისტორიულ მეცნიერებათა დოქტორი.

ინფორმაცია

ქარელის რაიონში

რაიონის სახალხო ფრონტი შეფობს ახალქალაქის ტერიტორიაზე დასახლებულ აჭარელთა ოჯახებს. რამდენიმე თვის წინ ქარელიდან ახალქალაქის რაიონში გაგზავნა სხვადასხვა პროდუქტები, ტანსაცმელი, ფული. ამ ცოტა ხნის წინ რაიონის კოლმეურნეობებმა და საბჭოთა მეურნეობებმა 15 მანქანა ხელი და საოცნსერგო ნაწარმი გაუგზავნეს აჭარელ მოძმეებს.

ამასთან დაიწყო და გრძელდება სტიქიით დაზარალებულ აჭარელთა ჩამოსახლება ქარელის რაიონში. სახალხო ფრონტი ზრუნვა - დახმარებას არ აკლებს მათ, აქტიურად ერთვება ყველა სოციალური პრობლემის მოგვარებაში.

გრძელდება თანხის შეგროვება ქვემო ქართლში ჩამოსახლებულ ქართველთათვის ბინების შესაძენად. სპეციალურ ანვარიზზე საკუთარი დანაზოგი შეიტანეს რაიონის მეურნეობების მშრომელებმა.

რაიონში შეიქმნა სახალხო ორბონტის რრი ხალი ორგანიზაცია — მოხისსა და ბებნისში.

მონისელმა ახალგაზრდებმა გადაწყვიტეს განსაკუთრებული ყურადღება მიაქციონ სოფელში არსებულ მკლესიას, დაასუფთაონ მისი ტერიტორია, აღადგინონ ტელიგური რიტულები.

ბებნისის სახალხო ფრონტმა შეის-

წავლა სოფლის სკოლაში შექმნილი კრიტიკული ვითარება, აქ სასწავლო პროცესები მიმდინარეობს აუტანელ მატერიალურ პირობებში, მოსწავლეები უზრუნველყოფილნი არ არიან გათბობით, დაცული არ არის მომსახურების ელემენტარული წესები. სახალხო ფრონტმა სკოლის დირექტორის საყვირი დააყენა სახალხო განათლების განყოფილების წინაშე. დირექტორი განთავისუფლებულია სამსახურად.

სახალხო ფრონტმა შიისწავლა მშრომელთა კოლექტიური განცხადებები ავლეში მუშავთა უკანონოდ განთავისუფლების თაობაზე. სოფლის მშრომელებთან შეთანხმებით ერთგვარი დაუბრუნდნენ სამსახურს.

დედა რთა შვილი გაზარდოს... პოსტვის?

დღეს, როცა ბევრ საიდუმლოს ახალა ფარდა, ამდენი რამ გამოაშკარავდა და ამდენ ადამიანს ჩამოეგლიჯა ნიღაბი, ყველანი მივხვდით, რომ ქვეყნის მიერ 70 წლის განმავლობაში განვლილი გზა სიცრუის, სისასტიკის, სისხლის ღვოს, დესპოტიზმის, სიღატაკის, დამცირების, შეურაცხყოფის გზა ყოფილა მხოლოდ. ყოველივე ამან ადამიანები გააოგნა.

ისიც გამოირკვა, რომ საბჭოთა არმიის ძირითად ნაწილში ადგილი ჰქონია ქართველი ჯარისკაცებისადმი, რბილად რომ ვთქვათ, მეტად არასასიამოვნო ფაქტებს, ხოლო ის დემოკრატიული ცვლილებები, რაც ე. წ. გარდაქმნის პერიოდში მოხდა ჩვენს საზოგადოებაში, თითქმის არ შეხებია არმიას.

არმიამ გაზარდა ეროვნული შეუღლის ნიადაგზე გამწვავებული კონფლიქტები, ძირითად კონფლიქტები არააქვს და რუს ეროვნებას შორის, რადგან საბჭოთა არმიის გენერალიტეტი და მეთაურთა შემადგენლობა დაკომპლექტებულია ძირითადად რუსი სამხედრო მოსამსახურეებით, რიგითი შემადგენლობა კი ძლიერ ქრულ ეროვნულ სურათს იძლევა.

ან რატომ გვიკვირს? — საბჭოთა არმია ხომ შემკვიდრია იმ წითელი არმიისა, რომელმაც 1921 წელს მოახდინა საქართველოს დემოკრატიული რესპუბლიკის ოკუპაცია, 1924 წელს სისხლში ჩაახშო ქართული ეროვნულ-განმათავისუფლებელი მოძრაობა, 1956 წელს კი მასობრივ ხოცვა-ჟლეტა მოაწყო თბილისის ქუჩებში.

საბჭოთა არმიამ სსრკ-ს სხვადასხვა მხარეებშიც გამოიჩინა თავი, განხორციელა მასობრივი დამსჯელი ოპერაციები. მისი საშუალებით განხორციელდა ინტერვენციები:

- 1919 და 1981 წლებში — პოლონეთში,
- 1940 წელს — ბალტიისპირეთის რესპუბლიკებში,
- 1956 წელს — უნგრეთში,
- 1968 წელს — ჩეხოსლოვაკიაში,
- 1979-1988 წლებში — აფღანეთში.

საბჭოთა არმიის დანაშაულებრივი არსი არც 1989 წლის 9 აპრილს შეცვლილა, როცა მისმა სპეცდანიშნულების შენაერთებმა მოწყობეს და სასანგრე ნიჩბებით დაჩეხეს თბილისში მთაწარის სასახლის წინამდებარე მოედანზე შეკრებილი მშვიდობიანი მიტინგის მონაწილენი. მას შემდეგ კი ფართოდ გაიშალა საკავშირო პრესა-სა და ტელევიზიაში აღრე დაწყებული ანტიქართული პოპაგანდა. შედეგად სახეზეა. 65 ქართველი ჯარისკაცი მოკლული უკანასკნელი ნახევარი წლის მანძილზე, ასობით ქართველი ჯარისკაცი ნაწამები და დასახიჩრებული. აი, რატომღიმე ამონაწერი გაზეთ „საქართველოდან“.

„1988 წლის 11/1 წამიყვანეს გაუბანტში (ლიტენატა გალანდიაკა). გამიყვანეს ტულეტში და მცემეს ხელით, ფეხით, ავტომატის კონდახით, შემოღი შემავდეს ქამერაში, დააგდეს პოლზე ერთი შინელი, დაასველეს მთლად მთელი ოთახი წყლით და იმ ცივ ღამეში, იანვრის თვეში სველ შინელზე გამოთენებინეს, მეორე დღეს

ჩამოკიდეს ჭერზე და მცემეს ავტომატით, რეზინის ღუბინკით მანამ, სანამ აზროვნება არ დაეკარგე. ამას ყველაფერს ხედავდნენ მორიგე ოფიცრები და არავინ არაფერს ამბობდა. (დათო გ.)“

„პროპორშიკმა იმის მაგივრად რომ სალდათებისთვის დაეშალა, პირველი, თვითონ აუხსნა მათ როგორ უნდა ვეცემით მათ ხე, ჩამოკიდეს „ლასტოჩკაზე“, რომ არ მეყვირა პირველ ეპოქალასტი დანაკიცს, მანამ ვიყავი ჩამოკიდებული, სანამ 100 მანეთის სათხოვნელად ქართველებთან წერილი არ გავატანე, რომ ჩამომხსნეს ზურგზე აგურები დამალავს და ზედ ფეხებით სტუხაობდნენ. ნაკემი ყველა ოფიცერმა და თვით პოლკოვნიკმა შინაილინიშა მნახა. (ალექსი ბ.)“

„მომიხდა კონფლიქტი ნაწილის ოფიცრებთან საქართველოს დროის ტარების გამო. მათ მომთხოვეს დროის მოხსნა და გადაგდება... სამაზ ოფიცერმა დამაბა ქაშრით და ეკლავანი მავთულით, რისი ნასახებიც ახლაც მატყვია. მეჩვე კი მცემეს. შესაგებ ხელ-ფეხ შეკრული ჩამსვეს გაუბანტში. სამი დღე და ღამე მიკეთებდნენ „ლასტოჩკას“, მეგ ჩამავდეს ქლორში ორი საათი... პოსპიტალში არ მომათავსეს, გავაგრძელე სამსახური (მ. ბ.)“

რამდენიც ვინდათ იმდენი მაგალითი მოტანა შეიძლება, სამწუხაროდ. ეს მაგალითებიც რომ არა, განა ჩვენს დედაქალაქში დატრიალებულმა ტრაგედიამ არ შესძრა ყველა ქართველი? განა მასში არ დაკინახეთ არა დემონსტრანტების დარბევის აქცია, არამედ საშინელი ზიზიო ქართველი ერისადმი და მისი მოსაზრების სურვილი? ყოველივე იმის შემდეგ, რაც თავს დაგვატეხეს ასე საქვეყნოდ, ამოხოცეს ახალგაზრდები თავისსავე ქალაქში სიმღერისა და ცეკვის დროს, განა ჩვენ ვართ დარწმუნებულნი იმაში, რომ ჩვენი ბჭების სიცოცხლეს საფრთხე არ ემუქრება და ისინი იქნებიან დაზღვეულნი ძალადობისა და დამცირებისაგან?

დაძაბული დღეებით იცხოვრა საქართველომ სამშვიდობო გაწვევის პერიოდში: მიტინგები, წვეგამდევლობა

აქციები, ჯარისკაცთა დედების ასოციაციათა კრებები... არ დარჩენილა გულგრილი ამ საკითხის მიმართ საქართველოში არცერთი არაფორმალური თუ ფორმალური გაერთიანება. იწერება მიმართვა მთავრობის ხელმძღვანელის სახელზე რესპუბლიკაში მცხოვრებ მრავალათასიანი დედის სახელით, ვისი შვილებიც გადიან სავალდებულო სამხედრო სამსახურს ქვეყნის და კავშირის ფარგლებს გარეთ.

გ. გუმბარაძე საბჭოთა კავშირის დეპუტატთა პირველი ყრილობის ტრიბუნაზე მოიხმოვს — შეიქმნას ეროვნული საჯარისო ფორმირებანი და წვეგამდევლება სამხედრო სამსახური ნიიხადოს რესპუბლიკის ტერიტორიაზე...

... და სწორედ ამ კრიზისულ პერიოდში, როცა გორგლებმა იხილეს წვეგამდევლობა მჭადმარე გაფიცვა, როცა უნდა გვასსოვდეს, რომ ჩვენ სამშობლოს სწორედ მშობლიური არმია სჭირდება დასაცავად, ქართლის რაიონების გაზეთები (და არა მარტო ისინი) პროპაგანდას უწევენ საბჭოთა არმიის რიგებში სამსახურს ნაირნაირი რუბრიკით.

ქართველი ერის ისტორია განუწყვეტელი ომების ისტორიაა — თავისუფლებისათვის, დამოუკიდებლობისთვის ბძოლის ისტორია. ქართველი დედა უბირველესად მამულს უწრღიდა შეიღს და ქართველ კაცსაც არასოდეს გასჭირვებია სისხლის დაღვრა მამულისათვის. სამაგალითოდ მარტო ერთი ნერხეულიძეების დედის გახსენებაც კმარა, ხოლო ქართველი მეფეები სპარსეთისა და ოსმალეთის მიწაზე ღვრიდნენ სისხლს, თავისი ქვეყნისათვის სულისმოთქმის საშუალება რომ მიეცათ და ქვეყანაში თავისუფლება შეენარჩუნებინათ.

ქართველ კაცს გენეტიკურად აქვს გადმოცემული წინაპრებისაგან სამშობლოსადმი გამორჩეული სიყვარული, ხოლო ქართველ დედას — შვილის გაზრდა უბირველესად მამულისათვის. მაგრამ დღეს სხვანაირად ისმის კითხვა: ვისთვის ისრღით შეიღებ?... ეს კითხვა უპასუხოდ არ უნდა დარჩეს.

ნუნუ ოთარაშვილი.



მორიგი საპროტესტო აქცია ქ. გორში



(დახასრული)

მასწავლებლებმა ათეული წლების მანძილზე მეტად სასარგებლო ურთიერთობა დაამყარეს ინსტიტუტის რეგიონის სკოლებთან და მრავალი სახის პედაგოგიკურ-მეთოდოლოგიური დახმარება გაუწიეს. ახლა, როცა პედაგოგიური კადრების მომზადებისათვის შექმნილი ეს სრულყოფილი ბაზა თავისი სათანადო ტრადიციებით კვლავ აღმავლობას განიცდიდა, საქართველოს კვ. ცენტრალური კომიტეტისა და საქართველოს სსრ მინისტრთა საბჭოს დადგენილებით (1982 წ.) გორის პედინსტიტუტი იცვლის პროფილს და 1985 წლიდან მარტოოდენ საბუნალტრო აღრიცხვის დარგის სპეციალისტებს მოამზადებს.

ამრიგად, ქართლის გულში ქრება მასწავლებელთა მომზადების საუკუნოვანი კერა და ისობა რეგიონის რაიონების მასწავლებელთა პედაგოგიურ-მეთოდოლოგიური დახმარების საშუალებაც, არადა, ამ უკანასკნელ წლებში, ისე როგორც ეროვნობა, სახალხო განათლებაც მთელ საქართველოში და, ცხადია, ჩვენს რეგიონშიც დიდ აღმავლობას განიცდის. ამჟამად მარტო ქ. გორსა და გორის რაიონში 90-მდე ზოგადსაგანმანათლებლო სკოლაა, სადაც 30 ათასამდე მოზარდი სწავლობს და მას ორიათას ორსამდე მასწავლებელი ემსახურება. ამასთან 67 ბაგა-ბლი, ათამდე სპეციალური და პროფტექნიკური სასწავლებელი, სამუსიკო და სამხატვრო სკოლები, მუსიკალური სასწავლებელი და ბევრი სხვა კულტურულ-საგანმანათლებლო დაწესებულება ფუნქციონირებს. თითქმის ასეთივე სურათია რეგიონის სხვა რაიონებშიც. აქედან ნათელია, რუ რაოდენ საშური რეგიონის ზოგადსაგანმანათლებლო სკოლების, პროფტექნიკური სასწავლებლების და აღმზრდელი დაწესებულებების მზარდი მოთხოვნილების დაკმაყოფილება პედაგოგობაზე და აღმზრდეობაზე.

შექმნილ ვითარებაში თუ არ მოხერხდება ან მიზანშეუწონელი იქნება ახალ პროფილთან პედაგოგიური ფაქტორების თანაბრება, მაშინ ქ. გორში შეიქმნას ქ. თბილისის ა. პუშკინის სახელობის სახელმწიფო პედაგოგიური ინსტიტუტის ფილიალი, რომელიც მასწავლებლებს მოამზადებს რეგიონის სკოლები — სათვის, როგორც დაწყებითი განათლებისა და შრომის, ასევე

- საკირო ძირითადი საგნების სწავლებისათვის.
- სხვა მიზნების გარეშე გარემოებებთან ერთად ჩვენს ინსტიტუტში აქტიულოვდება თუნდაც იმდრო, რომ:
1. აქ, გორის პედინსტიტუტში ჩამოყალიბდა სოფლის ახალგაზრდობა მომზადდება რა პედაგოგიური მუშაობისათვის, კვლავ დაუბრუნდება სოფელს, რომლის განახლება-განმტკიცებისათვის დღეს თქვენს მიერ საშვილოშილო ღონისძიებები ტარდება.
 2. შეიძლება ითქვას, მსოფლიოში ყველა კულტურულ ხალხს პედაგოგიური მეცნიერების თავისი გამოჩენილი კლასიკოსების პატივისცემად აქვს უმაღლესი განათლების პედაგოგიური სასწავლებელი და რატომ ჩვენთანაც, სადაც დაიბადა და აღიზარდა ქართული პედაგოგიური აზროვნების კლასიკოსი — იაკობ სიმონის ძე გოგებაშვილი, არ უნდა იყოს უმაღლესი პედაგოგიური განათლების კერა?
 3. ვასათელოსწინებელია ისიც, რომ აღნიშნული ღონისძიებების გატარების გამო აღარ წარმოიშობა პროფესორ-მასწავლებელთა ახლად დასაქმების პრობლემა.
- 2. ნამიჩივილი** — დოცენტი, საქ. სსრ უმაღლესი სასწავლებლის დამსახურებული მუშაკი, კომკავშირის, პარტიისა და შრომის ვეტერანი, ორჯონიძის ლენინის ორდენოსანი.
- დ. თევზაძე** — ფილოლოგიურ მეცნიერებათა დოქტორი, პროფესორი.
- გ. ინჯია** — მწერალთა კავშირის გორის განყოფილების პასუხისმგებელი მდივანი.
- შ. ქურდაძე** — ცხინვალის სახელმწიფო პედაგოგიური ინსტიტუტის ქართული ენისა და ლიტერატურის კათედრის გამგე.
- 3. ჩიკოიძე** — საქ. სსრ დამსახურებული მასწავლებელი, ლენინის ორდენოსანი, შრომის ვეტერანი.
- ე. მამისთვალიშვილი** — ისტორიულ მეცნიერებათა დოქტორი.
- ი. პავლიაშვილი** — დოცენტი, ომის, შრომისა და პარტიის ვეტერანი, ორდენოსანი.
- 6. სამინაშვილი** — შინდისის საშუალო სკოლის მასწავლებელი, საქ. სსრ უმაღლესი საბჭოს დეპუტატი, სოციალისტური შრომის გმირი.

1984 წლის მარტი.


ბაშ-მარ-...!

„მოსკოვი, კრემლი, ლენინს, სტალინს...“ გახსოვთ ის ავადსახენებელი დეპეშა, საქართველოში „საბჭოთა ხელისუფლების დამყარებას“ რომ იუწყებოდა...

...თბილისი. იანვარი, 1990 წელი... მთავრობის სახლთან გამართულ ხალხმრავალ მიტინგზე ყველას გასაგონად ცხადდება: „ქარელში, რაიონული საბჭოს აღმასკომის შენობაზე საქართველოს ეროვნული დროშა ფრიალებს... გაუმარჯოს დამოუკიდებელ ქარელს!“

ამვე მიტინგზე ითქვა, რომ ქარელში აღარ ფუნქციონირებს პარტიის ქარელის რაიონი და აღმასკომი, მაგრამ ეს არ იყო სწორი ინფორმაცია. პარტიის ქარელის რაიონი და რაისაბჭოს აღმასკომი დღესაც განაგრძნობენ ჩვეულ ფუნქციონირებას. ოღონდ ეს არის, რომ საქართველოს სამფროვანი ეროვნული დროშა, ქარელის სახალხოფრონტელებმა რომ აღმართეს, კვლავ ამჟამად ფრიალებს აღმასკომის შენობის თავზე. მის გვერდით კი მოკრძალებით, თითქოს გაუბედავად გამოიყურება... საბჭოური წითელი დროშა, თავის მიერ დაპყრობილ საქართველოში რომ შემოაფრიალა ხარაგოულელმა „რაინდმა“.

„ორხელისუფლებიანობა“ ქარელში გრძელდება!



ს. ფრონტალი. — ეს რად გინდა, „გარდაქმნის პროექტორი“ ხომ არ გადაგეწვავ?

რედაქტორი **ჯემალ ინჯია**.
სარედაქციო კოლეგია: ვაჟა დადიანიძე, უუუუნა ვაშაგაშვილი, ელდარ მამისთვალიშვილი, ვასილ მამულაშვილი (პასუხისმგებელი მდივანი), შოთა მახარობლიძე, ზაზა მებადურაძე, ნუნუ ოთარაშვილი, ჯემალ სტეფანაძე.

მასალები მოგვარდეთ მისამართით: გორი, ცაბაძის 5, გორის სახალხო ფრონტი. ტელ. 2-57-90.

საქართველოს გამსახკომის გორის ტბამა, ტინისხილის 28.

წიგნის ფოტოგრაფი **ზონა გალაშვილი**სა.
ხმატვრები **მ. აორანაშვილი**, **შ. ხმალაძე**, **რ. მარაშხაშვილი**.
სტამბის ავტორთა **თვალსაზრისი** შეხამლოა არ ემთხვეოდეს რედაქციისას.